

大清仁宗睿皇帝實錄

大清仁宗受天興運敷化綏猷崇文經武孝恭
勤儉端敏英哲睿皇帝實錄卷之四十四

監修總裁官經筵日講起居注官太子太傅武英殿大學士文淵閣領閣事稽察欽奉 上諭事件處管理工部事務翰林院掌院學士隨

帶加二級尋常加四級臣曹振鏞總裁官太子太保文淵閣學士管理刑部事務加五級臣戴均元經筵日講起居注官太子少保內太監文淵閣

提舉閣事稽察欽奉 上諭事件處協辦大學士戶部尚書翰林院掌院學士教習庶吉士總管內務府大臣鑲黃旗滿洲都統步軍統領

管理戶部三庫奉宸苑清漪園等處總理工程處御茶膳房御藥房太醫院西洋堂事務軍功加三級隨帶加二級尋常加三級紀錄十二次臣其和

經筵講官太子太保禮部尚書上書房行走武英殿總裁管理國子監事務加級隨帶加二級紀錄四次臣汪廷珍等奉

敕修

嘉慶四年己未五月戊午朔諭軍機大臣等

永保甫經到陝。所帶兵丁堪以打仗者。僅有千名。一遇賊匪。能就現有兵力。將賊擊退。未令竄過華陽。不致完善地方。又被滋擾。此即永保之功。但兵力究未免稍單。儻急欲見功。輕率直前。不能將賊匪痛加勦殺。轉不足振作士氣。永保於督率策勵之中。仍宜稍存持重。總宜蓄養兵力。見可而進。將此諭令知之。

○以四川華陽縣勦賊出力。賞協領西林布。

大 巴圖魯名號。遊擊哈三泰。副將銜。副將馬兆。

瑞。參將富靈保。花翎千總姜興清等。藍翎○

己未

上詣觀德殿

几筵前供奠○諭內閣。前曾推

皇考嘉惠士林至意。仍舉行鄉會恩科。今思祥

刑之典。為

皇考九旬萬壽。應沛殊恩。朕雖不獲申祝。悃

忱。仍當仰體

皇考法外之仁。停辦秋讞。俾得普霑遺澤。况雍

正元年。乾隆元年。暨朕即位初元。俱經停勾。所有本年情實各犯。著推恩停止勾決。○又諭。向來宗人府京察一等人員。從未簡放外任。本年降旨。令宗室等一體選用六部。並經吏部議奏。宗室保列京察一等。應否外用。候朕欽定。朕思宗室人員。向不簡授外任之故。蓋以身為宗室。未便復行參謁跪拜之禮。用存體制。又恐其自恃天潢一派。蔑視上司。設有不知檢束。營私獲罪。轉多礙難辦理之處。

嗣後宗室人員自應仍照向例毋庸補放外
任此次保送道府宗人府不必保送○又諭
河工省分各設廳汛員弁專管修防其地方
守令無兼河之責者原不應派令辦理河務
乃聞近來遇有堵築挑濬大工多藉幫辦為
名調派州縣令其貼解銀兩並將上司應賠
工程亦令州縣代賠以致派累百姓挪移倉
庫本任地方職守且多曠廢著直隸江南山
東河南各督撫及河道總督等通行禁止嗣

後辦理河工。祇准調派丞倅雜職等官。不得再派州縣。致滋弊竇。○又諭。從前額設養廉。原為大小官員辦公日用之資。乃外省遇有一切差使。及無著款項。往往議將通省官員養廉攤扣。以致用度未能寬裕。上司藉此勒派屬員。而州縣遂爾需索百姓。此弊朕所深知。自當概行嚴禁。以清吏治。而肅官方。前日松筠奏請停止攤扣。廓爾喀軍需。已將朕意諭知勒保。松筠著通諭各該督撫。凡遇該省

應辦公務。原有耗羨。備公銀兩可動。不得仍
前攤扣。各官養廉。至州縣教職佐雜及吏役
等工食。亦著仍照舊例。即於各州縣徵收耗
羨內坐支。用歸簡便。其餘仍隨正項錢糧儘
數解司。以杜挪移之弊。○又諭各省兵丁月
餉。原藉以養贍家口。不得絲毫攤扣。乃聞各
營於差使盤費。俱扣通營兵餉。即同文員扣
養廉相似。文員之養廉豐厚。尚不可扣。況衆
兵月餉幾何。忍心扣取。以致伊父母妻子啼

飢號寒而欲使之盡力操練豈可得乎。又提鎮等查閱營伍時亦於餉內攤扣費用。兵丁等養贍無資。或在外兼習手藝訓練生疏。營伍廢弛所關非細。著各督撫提鎮嗣後兵丁差使盤費俱當於各營留存公項內籌撥。不得攤扣月餉。並嚴禁一切酬應私費。儻敢陽奉陰違。一經發覺。必當從重懲治。再各營占役兵丁之弊。前因步軍統領衙門各員私用步甲。曾降旨令各省通行飭禁。再在京都統

等衙門跟班馬甲亦曾諭令不得過二人。今外省提鎮以下將在伍之兵任意役使。甚至以工匠人等亦令食糧。以致操防反屬虛名。而兵丁竟成虛設。並著各督撫提鎮查明嚴禁。以肅營制。而昭覈實。實力奉行。○廓爾喀額爾德尼王喇特納巴都爾請以其子吉爾巴納租塔畢噶爾瑪薩野襲爵。從之。○庚申

孝誠仁皇后忌辰遣官祭

景陵。○

上詣觀德殿

几筵前行月祭禮○諭內閣。本年各宗室等。准用部署司員。遇考試年分。一體考試。監禁者。俱令釋放。凡此恩眷稠疊。實為篤愛宗支之意。各宗室等。自當顧惜顏面。諸凡謹慎。近見宗室內。竟有任意逃走者。朕心甚為不悅。所有逃走之間。散宗室文光。著咨行各處。嚴行緝獲。照例辦理。總族長及族長等。著交部察議。嗣後宗室王公等。務各加意約束。近支宗

室各全顏面。以副朕疊需恩施之意。○又諭嗣後宗室內有逃走者。派司員赴伊家詢問。不必將該逃人之妻傳至宗人府。○又諭據侍郎恒傑奏稱。昨在靜安莊祭奠。誤穿藍袍。自請交部議處。並稱應行恭奉祭文之紀昀。有閱卷差使。而該司員伊勒圖。並未豫行致信。伊臨時方知。即代紀昀恭奉祭文。請將該司員伊勒圖交部嚴加議處等語。所奏殊屬過當。祭奠雖應穿青長袍褂。然各處傳行不

一昨祭奠處所穿藍袍者不少。非止恒傑一人。朕於此等疏忽細故。從不深究。所有恒傑誤穿藍袍。毋庸交部議處。至司員各有承辦本部公事。其未能致信。及未往齊集。亦屬常事。尚非大過。恒傑係禮部侍郎。本部尚書有別項差使。自應知悉。尚須司員致信耶。恒傑殊屬糊塗。不曉事體。該司員伊勒圖著從寬免其交部嚴加議處。恒傑著交部議處。○諭軍機大臣等。吳熊光奏。飛咨恒瑞永保。並劄

知台斐音酌量情形。如可將山東官兵截赴
明亮軍營。廓清江北賊匪。再移赴南岸勦辦
等語。殊屬越分陳奏。已降旨嚴行申飭。軍旅
重務。移步換形。全在隨時酌量機宜。決策制
勝。豈有懸揣遙度之理。軍營辦理軍務。自應
遵奉諭旨指示。次則聽經略調度。如所降之
旨。各該大臣於接奉後。或賊情復有變更。尚
不可拘泥遵旨。何況鄰省一巡撫之知會書
札。欲令人一一遵照乎。恒瑞永保。惟在斟酌。

事機妥協經理所有接到吳熊光一切咨會不合機宜竟置之不理可也將此傳諭知之。

○授一甲一名進士姚文田為翰林院修撰二名進士蘇兆登三名進士王引之為翰林院編修○辛酉諭內閣據吉慶奏粵東西北兩江春漲並發護田圍基間被水衝查勘趕修一摺南海等七縣圍基係屬保護田廬關係緊要既經被水衝損自應趕緊修葺現在該督已將藩庫存貯項內先行動撥應用此

項銀兩若仍令歸還民力不免拮据著即加
恩賞給免其完繳。至此次被水地方雖屬一
隅偏災但該處圍基內民田廬舍猝遭淹浸
恐小民生計維艱並著吉慶等查明被水地
方本年春徵或有應需蠲緩之處即行據實
奏明再降恩旨。○引見新科進士得旨一甲
三名姚文田蘇兆登王引之業經授職外程
國仁湯金釗吳賡枚汪桂汪如淵梁運昌白
鎔李翊鮑桂星宋湘史致儼張惠言李端丁

履泰徐名紱。蔣雲官。吳榮光。戴聰。李本榆。李
象鵠。陳超。曾吳鼎。趙在田。花杰。黃鳴傑。毛謨。
張師泌。彭蘊輝。俞恒潤。朱淦。楊世英。許鎔。張
述燕。胡大成。曹汝淵。任伯寅。周開謨。吳其彥。
孔昭銘。陸言。錢昌齡。何南鈺。陳壽祺。趙玉。彭
良裔。象曾。趙敬襄。李光晉。張傅霖。董大醇。周
錫章。王廷紹。莫與儔。淡士。濤。廉能。張鱗。毛式
郇。賴勲。許亨超。黃郁章。楊汝達。覺羅桂芳。姚
廷訓。張澍。貴慶。陳鍾麟。林天培。賞錯。祝孝憑。